

2008 nr. 75 11. júní**Lög um frístundabyggð og leigu lóða undir frístundahús**

Tóku gildi 1. júlí 2008. Breytt með 1. 66/2010 (tóku gildi 1. júlí 2010).

Ef í lögum þessum er getið um ráðherra eða ráðuneyti án þess að málefnavið sé tilgreint sérstaklega eða til þess vísað, er átt við félags- og húsnæðismálaráðherra eða velferðarráðuneyti sem fer með lög þessi.

I. kafli. Almenn ákvæði.**■ 1. gr. Gildissvið.**

□ Ákvæði laga þessara eru ófrávikjanleg nema annað sé tekið fram eða leiði af eðli máls.

□ Ákvæði II. kafla laga þessara gilda um leigu á lóðum undir frístundahús enda sé hin leigða lóð tveir hektarar að stærð eða minni og leigusamningur er annaðhvort ótímabundinn eða til a.m.k. 20 ára.

□ Lög þessi gilda um innbyrðis réttindi og skyldur umráðamanna lóða í frístundabyggð án tillits til stærðar lóðar, sbr. III. kafla.

■ 2. gr. Orðskýringar.

□ Í lögnum er merking eftirtalinnna orða og orðasambanda þessi:

1. *Frístundabyggð*: Afmarkað svæði innan jarðar eða jarða þar sem eru a.m.k. 10 lóðir undir frístundahús.

2. *Frístundahús*: Hús utan þéttbýlis sem aðallega er nýtt til að fólk geti dvalist þar tímabundið til að eyða frítíma sínum og þar sem að öðru jöfnu er óheimilt að hafa skráð lögheimili. Mannvirki sem stendur á lóð fyrir frístundahús, svo sem geymsla, en er ekki samtengt frístundahúsi, er hluti hússins í skilningi laga þessara. Þó teljast eftirfarandi mannvirki ekki frístundahús í skilningi laga þessara: fjallaskálar, gangnamannaskálar, aðstöðuhús, neyðarskýli, kofar og önnur slík mannvirki utan þéttbýlis. Enn fremur teljast hús og önnur mannvirki, sem standa á landi sem fellur utan 3. tölul., ekki frístundahús í skilningi laga þessara.

3. *Lóð undir frístundahús*: Skiki lands utan þéttbýlis sem afmarkaður er í samningi eða skipulagi, sem á grundvelli sérgreindrar hagnýtingar, auðkenna eða landamerkjá getur talist sjálfstæð eind og hefur a.m.k. að hluta til verið nýttur undir frístundahús eða heimilt er að reisa slíkt hús þar.

4. *Umráðamaður lóðar undir frístundahús*: Nú er lóð ekki leigð út og er þá eigandi lóðar umráðamaður. Nú er lóð leigð út og er þá leigutaki umráðamaður. Nú hefur lóð verið framleigð til a.m.k. eins árs og er þá framleigutaki umráðamaður.

II. kafli. Leiga á lóð undir frístundahús.**■ 3. gr. Form og efni samnings um leigu á lóð undir frístundahús.**

□ Leigusamningur um lóð undir frístundahús skal vera skriflegur. Óheimilt er að gera tímabundinn leigusamning um lóð undir frístundahús til skemmri tíma en 20 ára.

□ Í leigusamningi skv. 1. mgr. skal m.a. koma fram:

1. nöfn, heimilisföng og kennitölur samningsaðila,
2. staðsetning og hnit hins leigða lands,
3. hvort samningur sé tímabundinn eða ótímabundinn,
4. fjárhæð leigu, þar á meðal ákvæði um verðtryggingu og endurskoðun leigufjárhæðar á leigutíma ef því er að skipta,
5. hvar og hvernig skuli greiða leiguna,
6. réttur leigutaka til að framlengja leigusamning,
7. hvort leigutaki njóti forkaupsréttar við sölu,

8. hvort leigusali öðlist forkaupsrétt við framsal leiguréttinda leigutaka og við framsal mannvirkja á lóð,

9. hvort leigutaki skuli setja tryggingu og með hvaða hætti og

10. hvort senda megi orðsendingar í rafrænu formi og þá á hvaða netfang.

□ Í samningnum skal enn fremur ákvarða hvort og að hve miklu leyti skal greiða kostnað vegna:

1. aðgangs að vatni,
2. aðgangs að rafmagni,
3. lagningar og viðhalds vegna og
4. uppsetningar og viðhalds girðinga.

■ 4. gr. Orðsendingar.

□ Þurfi aðili leigusamnings vegna fyrirmæla þessa kafla að koma á framfæri við gagnaðila skriflegri orðsendingu, hverju nafni sem hún nefnist, skal hún send með sannanlegum og tryggilegum hætti og innan þeirra tímamarka eða fresta sem mælt er fyrir um ef því er að skipta. Sé þess gætt hefur orðsendingin þá þýðingu og þau réttaráhrif sem henni er ætlað að hafa, jafnvel þótt hún komi afbökðuð, of seint eða alls ekki til viðtakanda.

□ Aðilar geta samið um að senda megi orðsendingar skv. 1. mgr. á rafrænu formi, sbr. 10. tölul. 2. mgr. 3. gr.

■ 5. gr. Ástand hins leigða.

□ Lóð undir frístundahús skal, þegar hún er afhent leigutaka, vera í því ástandi sem um var samið og almennt er talið fullnægjandi miðað við fyrirhugaða notkun hennar og staðsetningu.

□ Leigutaka ber að sjá til þess að landamerki lóðar séu greinileg nema um annað sé samið.

■ 6. gr. Viðhald og rekstur hins leigða. Greiðsla opinberra gjalda.

□ Leigutaka er skylt að fara vel með hið leigða og í samræmi við umsamin afnot þess. Sé ekki um annað samið skal leigutaki bera allan kostnað af viðhaldi og rekstri hins leigða. Leigutaka ber einnig að greiða opinber gjöld af hinu leigða nema um annað sé samið.

■ 7. gr. Greiðsla leigu.

□ Leigu fyrir afnot lóðar í eitt ár undir frístundahús skal greiða eigi síðar en 1. júlí ár hvert nema um annað sé samið.

■ 8. gr. Framleiga og framsal.

□ Framleiga og framsal leiguréttinda á lóð undir frístundahús er leigutaka heimil án samþykkis leigusala, sbr. þó 2. tölul. lokamálgreinar 30. gr. Leigutaki skal tilkynna leigusala um framleigu lóðarleiguréttinda til lengri tíma en eins árs eða framsal lóðarleiguréttinda innan fjögurra vikna frá slíkum aðilaskiptum.

■ 9. gr. Veðsetning leigulóðarréttinda.

□ Leigutaka er heimilt, án samþykkis leigusala, að veðsetja leigurétt sinn að lóð undir frístundahús í heild ásamt mannvirkjum þeim sem á henni standa eða reist verða.

■ 10. gr. Uppsögn samnings og tilkynningar um leigulok.

□ Uppsögn ótímabundins leigusamnings er heimil báðum aðilum hans. Uppsagnarfrestur slíks samnings er eigi skemmri en tvö ár.

□ Tímabundnum leigusamningi lýkur á umsömdum degi án sérstakrar uppsagnar eða tilkynningar af hálfu aðila, sbr. þó 3. og 4. mgr.

□ Nú er í gildi tímabundinn leigusamningur um lóð þar sem frístundahús stendur. Skal þá leigusali eigi síðar en tveimur árum fyrir lok leigusamnings senda leigutaka tilkynningu þar

sem bent er á áætluð samningslok og efni 11.–14. gr. Leigusala er heimilt í tilkynningu þessari að hvetja leigutaka til að hefja viðræður við sig við fyrsta tækifæri um áframhald leigu eða lok hennar.

□ Nú hefur leigusali ekki sent tilkynningu skv. 3. mgr. og skal þá leigutaki, eigi síðar en 18 mánuðum fyrir leigulok, senda leigusala tilkynningu sambærilegs efnis.

□ Uppsögn, sbr. 1. mgr., og tilkynningar, sbr. 3. og 4. mgr., skulu vera skriflegar.

■ **11. gr.** *Samningsfrelsi, framlenging samnings um eitt ár og tómlætisverkan.*

□ Aðilar geta ávallt samið um áframhald leigu eða lok hennar.

□ Nú hafa samningar ekki náðst á milli aðila einu ári fyrir lok tímabundins leigusamnings og tilkynningar skv. 3. og 4. mgr. 10. gr. hafa ekki verið sendar innan þeirra fresta sem þar er getið og gildir leigusamningurinn þá í tvö ár frá því tímamarki, þ.e. samningurinn framlengist um eitt ár miðað við umsamin leigulok.

□ Nú er eitt ár eftir af framlengdum samningi, þ.e. komið er að því tímamarki sem upphaflega hafði verið samið um að yrðu leigulok, sbr. 2. mgr. Skal þá leigusali eiga málskotsrétt til [kæruneftndar húsamála].¹⁾ Um þann málskotsrétt gilda að öllu leyti ákvæði 1. mgr. 12. gr.

□ Nú er hálftr á eftir af framlengdum samningi, sbr. 2. mgr., og leigusali hefur glatað sínum málskotsrétti, sbr. 3. mgr. og 1. mgr. 12. gr., og getur leigutaki þá skotið máli til [kæruneftndar húsamála]¹⁾ í samræmi við 8. mgr. 12. gr.

□ Framlengdur leigusamningur, sbr. 2. mgr., rennur út á tilsettum tíma enda hafi aðilar hvorki náð samningum né heldur skotið máli til [kæruneftndar húsamála].¹⁾ Er þá enginn leigusamningur í gildi og hafa báðir aðilar glatað málskotsrétti til [kæruneftndar húsamála].¹⁾

¹⁾ L. 66/2010, 7. gr.

■ **12. gr.** *Málskotsréttur aðila og kröfugerð.*

□ Eingöngu er hægt að skjóta máli samkvæmt þessari grein til [kæruneftndar húsamála]¹⁾ að frístundahús standi á lóð tveimur árum áður en uppsögn ótímabundins samnings tekur gildi, sbr. 1. mgr. 10. gr., eða tveimur árum áður en tímabundinn samningur hefði fallið úr gildi skv. 2. mgr. 10. gr.

□ Leigusali getur skotið máli til [kæruneftndar húsamála]¹⁾ allt frá því að eitt ár er eftir af leigusamningi. Hafi aðilar vanrækt tilkynningarskyldu skv. 3. eða 4. mgr. 10. gr. grundvallast málskotsheimild leigusala á 3. mgr. 11. gr. Málskotsréttur leigusala fellur niður hafi málskot hans ekki verið sent í síðasta lagi sex mánuðum fyrir lok leigusamnings.

□ Nú er málskotsréttur leigusala niður fallinn og getur þá leigutaki skotið máli til [kæruneftndar húsamála].¹⁾ Málskotsréttur leigutaka fellur niður hafi málskot hans ekki verið sent í síðasta lagi fyrir lok leigusamnings.

□ Hafi annar hvor aðilinn nýtt sér málskotsrétt sinn, sbr. 2. eða 3. mgr., framlengist leigusamningur sjálfkrafa um 20 ár frá lokum samnings að telja. Það gildir þó ekki ef leigusali krefst innlausnar, sbr. 2. tölul. 5. mgr., eða ef leigutaki un-ir því að leigusamningur falli úr gildi og fjarlægir mannvirki sín af lóð á sinn kostnað, sbr. 6. mgr.

□ Nú hefur leigusali nýtt sér málskotsrétt sinn og getur hann þá fyrir [kæruneftnd húsamála]¹⁾ haft uppi kröfu um:

1. hver skuli vera fjárhæð ársleigu í framlengdum leigusamningi, sbr. 13. gr.,

2. innlausn og hvert skuli vera innlausnarverð fyrir mannvirki leigutaka og eftir atvikum um fjárhæð greiðslu sérstakra

bóta eða lækkun innlausnarverðs vegna ástands lóðar í samningslok, sbr. 14. gr.

□ Nú er krafa komin fram skv. 5. mgr og getur leigutaki þá lokið máli með því að tilkynna [kæruneftnd]²⁾ og leigusala að hann uni því að leigusamningur falli úr gildi í samræmi við 2. mgr. 10. gr. eða 5. mgr. 11. gr. og að hann fjarlægji á sinn kostnað mannvirki á lóðinni innan tilhlýðilegs frests en þó aldrei síðar en tveimur mánuðum eftir lok samnings.

□ Hafi máli skv. 5. mgr. ekki verið lokið fyrir [kæruneftnd-inni]²⁾ með úrskurði eða sátt og rekja má það til athafna eða athafnaleysis leigusala framlengist eldri leigusamningur, óbreyttur, um 20 ár frá samningslokum að telja.

□ Nú hefur leigutaki nýtt sér málskotsrétt sinn og getur hann þá fyrir [kæruneftnd húsamála]¹⁾ haft uppi kröfu um hver skuli vera fjárhæð ársleigu í framlengdum leigusamningi, sbr. 13. gr.

□ Hafi máli skv. 8. mgr. ekki verið lokið fyrir [kæruneftnd-inni]²⁾ með úrskurði eða sátt og rekja má það til athafna eða athafnaleysis leigutaka fellur leigusamningur úr gildi.

□ Hafi aðilar samnings hvenær sem er á leigutíma gert samning um áframhaldandi leigu, um kaup leigutaka á lóð eða um innlausn leigusala en ekki náð samningum um verð geta þeir sameiginlega skotið máli sínu til [kæruneftndar]²⁾ og haft uppi kröfur um fjárhæð leigu, innlausnarverð eða kaupverð, sbr. 13.–15. gr.

¹⁾ L. 66/2010, 7. gr. ²⁾ L. 66/2010, 8. gr.

■ **13. gr.** *Mat á ársleigu framlengds leigusamnings.*

□ Nú hefur annar hvor aðili leigusamnings hafið mál fyrir [kæruneftnd húsamála]¹⁾ um hver skuli vera ársleiga í framlengdum leigusamningi, sbr. 1. tölul. 5. mgr. eða 8. mgr. 12. gr., eða báðir aðilar, sbr. 10. mgr. 12. gr., og skal þá ákvörðun um ársleigu taka mið af kröfum aðila og hvað nefndin áltur vera markaðsverðmæti á hverjum tíma.

□ Við mat á markaðsverðmæti skal m.a. hafa til viðmiðunar:

1. hver sé ársleiga lóða sem eru svipaðar að stærð og búa yfir svipuðum eiginleikum á sömu jörð eða aðliggjandi jörðum; einnig má líta til ársleigu lóða sem eru svipaðar að stærð og búa yfir sams konar eiginleikum innan þess sveitarfélags sem lóðin er á eða þá eftir atvikum innan sveitarfélaga í nágrenninu,

2. legu, útsýni, gróðursæld, staðsetningu og önnur slík atriði sem áhrif geta haft á fjárhæð ársleigu lóðar,

3. hvert hið eldra leigugjald hafi verið og hvort það hafi fylgt breytingum á vísitölu neysliverðs eða vísitölu byggingaverðs.

□ Leigutími framlengds leigusamnings er 20 ár frá lokum eldri samnings.

□ Ákvæði eldri leigusamnings, sem ekki eru í andstöðu við ófrávíkjanleg ákvæði laga, halda gildi sínu um önnur atriði en nefnd eru í 2. og 3. mgr.

¹⁾ L. 66/2010, 7. gr.

■ **14. gr.** *Réttaráhrif innlausnar, innlausnarverð, lóðarbat-ur o.fl.*

□ Í innlausn felst að leigusali eignast mannvirki leigutaka og eftir atvikum þær endurbætur sem orðið hafa á lóðinni á leigutímanum gegn greiðslu peninga. [Kæruneftnd]¹⁾ ákveður nánari greiðsluskilmála innlausnar.

□ Þegar kveðið er á um innlausn með úrskurði skulu öll takmörkuð eignarréttindi jafnframt afnumin, nema annað sé sérstaklega ákveðið. Almennar reglur gilda um rétt handhafa

takmarkaðra eignarréttinda til að þeir fái innlausnarverðið greitt í heild eða hluta.

□ Nú hefur leigusali skotið máli til [kærunefndar húsamála]²⁾ í samræmi við 2. tölul. 5. mgr. 12. gr. eða báðir aðilar samnings í samræmi við 10. mgr. 12. gr. og gildir þá þessi grein um skilmála innlausnar.

□ Ákvörðun um innlausnarverð fyrir mannvirki skal taka mið af kröfum aðila og hvað nefndin álitur vera markaðsverðmæti á hverjum tíma. Við mat á markaðsverðmæti mannvirkja skal m.a. hafa til viðmiðunar:

1. nýlegt söluverð á mannvirkjum sem eru af svipaðri stærð og gerð og standa á lóðum á sömu jörð eða nálægum jörðum í sveitarfélaginu; einnig má líta til nýlegra söluverða sambærilegra frístundahúsa og annarra mannvirkja á lóðum undir frístundahús innan sveitarfélaga í nágrenninu; heimilt er að líta til sölu mannvirkja þar sem lóðarleiguréttindi eru til a.m.k. 20 ára og til sölu mannvirkja á eignarlóðum,

2. ástand, gerð og skipulag mannvirkja,

3. fasteignamat, brunabótamat og annað er til leiðbeiningar má verða.

□ Nú hefur í tíð eldri leigusamnings leigutaki eða fyrirrennari hans staðið fyrir umbótum á lóð, svo sem með trjá- og garðrækt. Getur leigutaki þá krafist þess að leigusali greiði sér bætur vegna þeirrar verðmætaaukningar sem orðið hefur á landinu. Svo að bætur verði úrskurðaðar til handa leigutaka verður að vera sýnt fram á að umbæturnar hafi aukið verðgildi lóðar verulega umfram það sem við mátti búast miðað við ástand hennar í upphafi eldri leigusamnings og að venjulegri umhirðu lóðar hefði verið sinnt allan leigutímann.

□ Hafi umhirðu leigutaka á lóð á leigutíma verið verulega ábótavant og ástand lóðar er ófullnægjandi þegar leigusamningur rennur út getur leigusali krafist lækkunar á innlausnarverði mannvirkja skv. 4. mgr.

¹⁾ L. 66/2010, 8. gr. ²⁾ L. 66/2010, 7. gr.

■ 15. gr. Mat á kaupverði lóðar.

□ Nú hafa aðilar leigusamnings hafið mál fyrir [kærunefnd húsamála]¹⁾ um hvert skuli vera kaupverð lóðar, sbr. 10. mgr. 12. gr., og skal þá ákvörðun um kaupverð taka mið af kröfum aðila og hvað nefndin álitur vera markaðsverðmæti á hverjum tíma.

□ Við mat á markaðsverðmæti skal m.a. hafa til viðmiðunar:

1. hvert sé kaupverð lóða sem eru svipaðar að stærð og búa yfir svipuðum eiginleikum á sömu jörð eða aðliggjandi jörðum; einnig má líta til kaupverðs lóða sem eru svipaðar að stærð og búa yfir sams konar eiginleikum innan þess sveitarfélags sem lóðin er á eða þá eftir atvikum innan sveitarfélaga í nágrenninu,

2. legu, útsýni, gróðursæld, staðsetningu og önnur slík at-
ridi sem áhrif geta haft á fjárhæð kaupverðs lóðar.

□ Nú hefur í tíð eldri leigusamnings leigutaki eða fyrirrennari hans staðið fyrir umbótum á lóð, svo sem með trjá- og garðrækt, og getur leigusali þá ekki krafist þess að umbæturnar leiði til hækkunar kaupverðs vegna þeirrar verðmætaaukningar sem orðið hefur á landinu.

□ Hafi umhirðu leigutaka á lóð á leigutíma verið verulega ábótavant og ástand lóðar er ófullnægjandi þegar leigusamningur rennur út getur leigutaki ekki krafist lækkunar á lóðarverði.

¹⁾ L. 66/2010, 7. gr.

■ 16. gr. Riftun leigusamnings.

□ Almennar reglur gilda um riftun leigusamnings.

III. kafli. Réttindi og skyldur í frístundabyggð.

■ 17. gr. Félag í frístundabyggð.

□ Í frístundabyggð er umráðamönnum lóða undir frístundahús skylt að hafa með sér félagsskap um sameiginlega hagsmuni. Þó er ekki skylt að hafa slíkan félagsskap þegar:

1. umráðamenn lóða undir frístundahús eru fimm eða færri,

2. einn og sami aðillinn hefur umráð yfir helmingi lóða í frístundabyggðinni eða

3. engir eða afar takmarkaðir sameiginlegir hagsmunir eru í frístundabyggðinni.

□ Félagssvæði ræðst af jarðarmörkum. Heimilt er að sérstakir sameiginlegir hagsmunir eða önnur landfræðileg mörk afmarki umdæmi félags þannig að fleiri en eitt félag geti starfað á sömu jörð eða félagssvæði nái til fleiri en einnar jarðar.

□ Nú er félag í frístundabyggð stofnað fyrir gildistöku laga þessara og skulu samþykktir þess halda gildi sínu að því leyti sem þær samrýmast lögum þessum.

■ 18. gr. Stofnfundur.

□ Einn eða fleiri umráðamenn lóða undir frístundahús geta boðað til stofnfundar félags í frístundabyggð. Stofnfundur skal boða bréflaga með a.m.k. tveggja vikna fyrirvara.

□ Á stofnfundi skal setja félaginu samþykktir sem hafa a.m.k. að geyma ákvæði um:

1. nafn félags,

2. heimilisfang og varnarþing,

3. félagssvæði og skulu þar taldar upp allar lóðir í viðkomandi frístundabyggð,

4. verkefni félagsins,

5. skipun og starfssvið félagsstjórnar,

6. málsmeðferðarreglur, reikninga félags og skoðunarmenn þeirra,

7. skyldu til framlagningar endurskoðaðra reikninga,

8. árgjald vegna starfsemi félagsins.

□ Stjórn félags í frístundabyggð skal hlutast til um að samþykktum félagsins verði þinglýst á allar þær fasteignir sem taldar eru upp í samþykktum þess.

■ 19. gr. Hlutverk félags.

□ Sé ekki á annan veg samið er hlutverk félags í frístundabyggð m.a. að taka ákvarðanir um:

1. lagningu og viðhald akvega og göngustíga að og innan svæðis,

2. gerð og rekstur á sameiginlegum svæðum í frístundabyggðinni, svo sem leiksvæðum og bílastæðum,

3. gerð og rekstur á sameiginlegum aðveitum og fráveitum,

4. gerð og viðhald sameiginlegrar girðingar um svæðið,

5. uppsetningu og rekstur öryggiskerfa,

6. almennar samskipta- og umgengnisreglur innan frístundabyggðarinnar.

■ 20. gr. Um aðalfund.

□ Aðalfundur skal halda árlega fyrir 1. september. Hafi félagsstjórn ekki boðað til fundar 1. október er þeim félagsmönnum sem vilja halda fund heimilt að boða hann.

□ Aðalfundur skal boða bréflaga með a.m.k. tveggja vikna fyrirvara. Í fundarboði skal greina fundartíma, fundarstað og dagskrá. Þá skal geta þeirra mála sem ræða á og meginefnis tillagna þeirra sem leggja á fyrir fundinn.

□ Á aðalfundi skulu a.m.k. vera eftirtalin mál á dagskrá:

1. skýrsla stjórnar um starfsemi félagsins,

2. endurskoðaðir reikningar lagðir fram til samþykktar og umræður um þá,
3. kosning formanns,
4. kosning annarra stjórnarmanna,
5. kosning varamanna,
6. kosning skoðunarmanna reikninga og varamanna þeirra,
7. framlagning rekstrar- og framkvæmdaáætlunar fyrir næsta ár,
8. ákvörðun um árgjald til félagsins,
9. mál sem tiltekin eru í fundarboði og
10. önnur mál.

■ **21. gr. Vægi atkvæða og skipting kostnaðar.**

□ Á félagssvæði frístundabyggðar fylgir eitt atkvæði hverri lóð undir frístundahúsi og fer umráðamaður lóðar með atkvæðisréttinn.

□ Kostnaður skiptist að jöfnu og ræðst af fjölda lóða undir frístundahúsi á félagssvæðinu. Umráðamanni lóðar undir frístundahúsi er skylt að greiða sinn hluta kostnaðar sem hlýst af ákvörðun sem löglega hefur verið tekin.

□ Greiði félagsmaður ekki hlutdeild sína í sameiginlegum kostnaði og í félagssjóð eignast félagið lögveð í eign hans á félagssvæðinu til tryggingar kröfunni. Lögveðið nær einnig til vaxta og innheimtukostnaðar af kröfunni ef því er að skipta.

□ Lögveð stofnast þegar félag innir greiðslu af hendi eða á gjalddaga félagsgjalds ef um slík vanskil er að ræða.

□ Lögveð fellur niður ef því er ekki fylgt eftir með lögsókn eða því lýst við nauðungarsölu innan árs frá stofnun þess. Viðurkenning eiganda utan réttar nægir ekki til að rjúfa fyrningu.

■ **22. gr. Þátttaka í ákvörðunum og lögmati þeirra.**

□ Rétt til fundarsetu hafa félagsmenn, makar þeirra og sambúðaraðilar. Sambúðaraðili í skilningi laga þessara er einstaklingur sem er í skráðri sambúð með leigutaka eða umráðamanni lóðar undir frístundahúsi, í frístundabyggð.

□ Félagismaður má veita sérhverjum lögráða manni umboð til að mæta á fundi og greiða atkvæði. Skal umboðsmaður leggja fram á fundinum skriflegt og dagsett umboð. Slíkt umboð má hvenær sem er afturkalla.

□ Afl atkvæða ræður úrslitum mála annarra en þeirra sem fjallað er um í 4. og 5. mgr.

□ Nú hefur þeirrar tillögu verið getið í fundarboði að greidd skuli atkvæði um hvort ráðast eigi í framkvæmdir eða stofna til kostnaðar sem leiðir til útgjalda sem eru umfram venjulegan rekstrarkostnað félagsins. Skal sú tillaga talin samþykkt hljóti hún samþykki minnst $\frac{2}{3}$ hluta greiddra atkvæða og minnst þriðjungur félagsmanna sækir fundinn.

□ Ákvörðun um gerð samþykktar skv. 17. gr. eða breytingu á þeim verður því aðeins gild að hún hljóti samþykki minnst $\frac{2}{3}$ hluta greiddra atkvæða og minnst helmingur félagsmanna sæki fundinn.

■ **23. gr. Félagstjórn.**

□ Stjórn fer með æðsta vald í málefnum félags í frístundabyggð á milli aðalfunda. Stjórn getur boðað til félagsfunda eins oft og þurfa þykir. Til funda skal boða bréflaga með tveggja vikna fyrirvara nema annað leiði af samþykktum félags.

IV. kafli. Ýmis ákvæði.

■ **24. gr. Samráð sveitarstjórna og félaga í frístundabyggð.**

□ Nú sameinast a.m.k. helmingur félaga í frístundabyggð í sveitarfélagi um að óska eftir því við sveitarstjórn eða sveit-

arstjóra að haldinn sé fundur til að veita upplýsingar um sameiginleg hagsmunamál frístundabyggðanna og sveitarfélagsins. Skal þá sveitarstjórn, eða eftir atvikum sveitarstjóri, að öðru jöfnu bjóðast til að halda slíkan fund með fulltrúum allra félaga í sveitarfélaginu. Sveitarstjórn, eða eftir atvikum sveitarstjóri, þarf ekki að bjóðast til að halda slíkan fund oftar en einu sinni á hverju ári.

■ **25. gr. [Kæruheimild.**

□ Hlutaðeigandi aðila er heimilt að vísa ágreiningsefni á grundvelli laga þessara til kærufndar húsamála, sbr. húsaleigulög, nr. 36/1994, með síðari breytingum. Kærufndin skal leitast við að ljúka afgreiðslu mála á grundvelli laga þessara innan tveggja mánaða frá því að erindi barst henni.

□ Álit og úrskurðir kærufndar húsamála eru endanlegir á stjórnsýslustigi.¹⁾

¹⁾ L. 66/2010, 9. gr.

■ **26. gr. Meðferð kæru og gagnaöflun.**

□ Nú hefur máli verið skotið með kæru til [kærufndar húsamála]¹⁾ skv. 12. gr., sbr. 13.–15. gr., og skulu þar koma fram upplýsingar um kæranda, þann sem kæra beinist að (gagnaðila), landnúmer lóðar undir frístundahúsi sem deilt er um og fasteignanúmer mannvirkja á lóð. Í kæru skulu koma fram kröfur kæranda ásamt stuttri lýsingu málsatvika og málsástæðna sem og rökstuðningur. Með kæru skal ávallt fylgja afrit af eldri leigusamningi og ef því er að skipta upp-sögn eða tilkynningum skv. 10. gr. Kröfugerð kæranda skal lúta að valdsviði nefndarinnar skv. 13.–15. gr.

□ Ef kæra fullnægir ekki skilyrðum 1. mgr. skal [kærufndin]²⁾ beina því til kæranda að bæta úr annmörkum innan hæfilegs frests. Verði kærandi ekki við því skal [kærufndin]²⁾ vísa máli frá. Máli skal vísað frá ef kæra berst utan tímafresta skv. 12. gr. Upplýsa skal gagnaðila um frávisun.

□ Nú er kæra tæk til efnismeðferðar og gefur nefndin þá gagnaðila kost á að tjá sig um efni kærunnar. Skal gefa honum hæfilegan frest í því skyni.

□ Þegar báðir aðilar hafa komið sínum sjónarmiðum að skal [kærufndin]²⁾ leita sátta með aðilum nema hún telji víst að sáttatilaun verði árangurslaus vegna atvika máls, afstöðu aðila eða annarra ástæðna.

□ Málflutningur skal vera skriflegur, en heimilt er nefndinni að gefa aðilum kost á að færa fram athugasemdir munnlega.

□ Nú skortir upplýsingar um atriði sem máli kunna að skipta og getur þá nefndin óskað eftir því við málsaðila að þeir afli gagna sem varpa ljósi á þessi atriði.

□ Þegar nauðsyn krefur framkvæmir [kærufnd húsamála]¹⁾ vettvangsgöngu að tilkvöddum málsaðilum.

□ Þegar gagnaöflun er lokið skal [kærufndin]²⁾ kveða upp úrskurð um kæru eins fljótt og auðið er.

□ Afl atkvæða nefndarmanna ræður niðurstöðu máls. Minnihlutaatkvæði skal fylgja nefndaráliti ef því er að skipta. Formaður eða varaformaður stýrir störfum nefndarinnar. Þegar nefndarmenn eru ekki sammála um niðurstöðu ræður meiri hluti niðurstöðu máls. Ef nefndin þríklofnar í afstöðu sinni, eða niðurstæða getur eigi ráðist af atkvæðamagni, ræður atkvæði formanns.

¹⁾ L. 66/2010, 7. gr. ²⁾ L. 66/2010, 8. gr.

■ **27. gr. Um réttaráhrif sáttar og úrskurðar.**

□ Náist sátt á milli aðila skal hún færð til bókar og skal þar greina fjárhæðir og aðra skilmála.

□ Hvorugur aðila getur borið kröfur sínar um fjárhæð ársleigu skv. 13. gr. eða fjárhæð innlausnarverðs eða bóta skv.

14. gr. undir dómstóla nema úrlausn [kærunefndar húsamála]¹⁾ um þessi atriði liggja fyrir.

□ Nú er felldur úrskurður um skilmála framlengds leigusamnings skv. 13. gr. Skal þá eldri leigusamningur falla úr gildi og hinn framlengdi leigusamningur taka við.

□ Nú er felldur úrskurður um skilmála innlausnar skv. 14. gr. Skal þá leigutaki skila lóðinni, ásamt öllum mannvirkjum og tilheyrandi fylgifé, að teknu tilliti til eðlilegrar notkunar og viðhalds, í ekki lakara ástandi en þegar honum var kunnugt eða mátti vera kunnugt um kærú leigusala skv. 2. tölul. 5. mgr. 12. gr., sbr. 14. gr.

□ Sátt skv. 1. mgr. og úrskurðir skv. 3. og 4. mgr. eru aðfararhæfir.

□ Nú vill kærandi eða gagnaðili ekki una úrskurði [kærunefndar húsamála]¹⁾ og getur hann þá höfðað mál til að ógilda hann fyrir dómstólum eða að honum verði breytt um efni fjárhæða. Mál skal höfðað innan sex mánaða frá því að aðilinn fékk eða mátti fá vitneskju um úrskurð [kærunefndar].²⁾

¹⁾ L. 66/2010, 7. gr. ²⁾ L. 66/2010, 8. gr.

■ **28. gr. Álit** [kærunefndar húsamála]¹⁾ og málsmeðferð.

□ Nú greinir aðila á um framkvæmd ákvæða III. kafla og geta þeir þá borið ágreiningsefnið undir [kærunefnd húsamála]¹⁾ sem lætur í té rökstutt álit.

□ Erindi til [kærunefndar]²⁾ skal vera skriflegt og í því skal skilmerkilega greina ágreiningsefnið, kröfu aðila og rökstuðning fyrir henni.

□ [Kærunefnd]²⁾ skal gefa gagnaðila kost á að tjá sig og koma sjónarmiðum sínum og kröfum á framfæri. Skal gefa honum hæfilegan frest í því skyni. Heimilt er [kærunefnd]²⁾ að kalla eftir öllum nauðsynlegum upplýsingum og gögnum og óska umsagnar frá öðrum sem málið snertir eða við kemur. Um málsmeðferð fer að öðru leyti samkvæmt stjórnslulögum.

¹⁾ L. 66/2010, 7. gr. ²⁾ L. 66/2010, 8. gr.

■ **29. gr. Reglugerðarheimild.**

□ Ráðherra getur með reglugerð sett nánari ákvæði og fyrirmæli um framkvæmd laga þessara.

□ [Kærunefnd húsamála]¹⁾ getur sett nánari reglur, sem ráðherra staðfestir, um erindi til [kærunefndar],²⁾ störf hennar, starfsskilyrði, sáttatilaunir, málsmeðferð fyrir nefndinni, framlagningu gagna, birtingu úrskurða o.fl.

¹⁾ L. 66/2010, 7. gr. ²⁾ L. 66/2010, 8. gr.

■ **30. gr. Gildistaka og lagaskil.**

□ Lög þessi öðlast gildi 1. júlí 2008.

□ Lög þessi taka ekki til samninga um leigu á lóðum undir frístundahús sem fallið hafa úr gildi fyrir gildistöku laganna.

□ Lög þessi taka til samninga um leigu á lóð undir frístundahús sem eru í gildi við gildistöku laga þessara. Ákvæði slíkra samninga, sem brjóta í bága við lög þessi, eru ógild nema annað sé tekið fram eða leiði af eðli máls. Þó skulu ákvæði slíkra samninga vera óhögguð um:

1. leigutíma, sbr. þó ákvæði til bráðabirgða um samninga sem falla úr gildi fyrir 1. júlí 2010,

2. að framleiga og framsal leiguréttinda á lóð undir frístundahús sé leigutaka óheimil án samþykkis leigusala.

■ **Ákvæði til bráðabirgða.** Nú fellur tímabundinn samningur um leigu á lóð undir frístundahús úr gildi innan tveggja ára frá gildistöku laga þessara og skal þá leigutaki lóðar, sem frístundahús stendur á, hafa rétt til að framlengja leigusamning um eitt ár frá samningslokum að telja en þó aldrei lengur en til 1. júlí 2010.

□ Leigutaki skal tilkynna leigusala þessa fyrirætlan sína skriflega innan tveggja mánaða frá því að lög þessi taka gildi, en að öðrum kosti fellur réttur hans til að framlengja samning niður og leigutími og aðrir skilmálar leigusamnings halda gildi sínu.

□ Nú fellur leigusamningur úr gildi á tímabilinu 1. júlí til 1. september 2008 án þess að leigutaki hafi tilkynnt leigusala að rétti til að framlengja leigusamning um eitt ár verði beitt og getur leigutaki þá eigi að síður öðlast slíkan rétt enda hafi hann sent leigusala tilkynningu um beitingu hans fyrir 1. september 2008.

□ Hafi leigusamningur verið framlengdur í samræmi við 1.–3. mgr. ber hvorugum aðila skylda til að senda tilkynningu skv. 3. eða 4. mgr. 10. gr. laga þessara.

□ Hafi samningar ekki náðst um áframhald leigu eða afnám hennar getur leigusali, sbr. 5. mgr. 12. gr., eða leigutaki, sbr. 8. mgr. 12. gr., skotið kærú til [kærunefndar húsamála].¹⁾ Um brottfall málskotsréttar leigusala gildir ákvæði 3. másl. 2. mgr. 12. gr. og um brottfall málskotsréttar leigutaka gildir ákvæði 2. másl. 3. mgr. 12. gr.

¹⁾ L. 66/2010, 7. gr.